



## МЕСЯЦА ЯНВАРЯ В 31-Й ДЕНЬ

Святых чудотворцев и безсребреников  
Кира и Иоанна

На Господи, возвах: **стихиры безсребреников**  
на 6, глас 1.

Подобен: Небесных чинов:



удес лучами облиставше вселенную всю, /  
Кире и Иоанне, / пресветлии светильни-  
цы, / Небеси уподобистесь благодатию, /  
высокаго жительства добродетельми, /  
звезды предлагаеми.

Дождеродныя облаки, преизяществующия /  
многотекущими благодатей чудесы, / мученицы  
Господни, всю землю мысленно напаяете, / здравая  
песнопения Богу / приносят понуждающа.

Исцеляти страсти души и телесе / хитрость от  
Бога истинно приемше, / мученицы Господни, /  
преестественно исцеляете вся / не человеческими  
лечбами врачевными, / но Божественными вдохно-  
веными.

Небесныя силы обходяще, / светосияннии све-  
тильницы, Кире и Иоанне, / доблии страдальцы, /  
сущих на земли исцеляете телеса / и душевныя  
язвы Христа ради. / Егоже молити спасти нас.

Яко потоку славы последующе, Христу, / исто-  
чницы безсмертия явитесь всем, / сладкия источа-  
ете струи / телесныя и душевныя, / целебная  
врачевания, / иже кровей струи за Христа излияв-  
ше усерднейше.

### Сла́ва, глас 8:

Дво́ица му́чеников днесь возсия́ нам, / душе́вныя  
болѣзни на́ша исцеля́юща, / Ки́р и Ио́анн чудодѣ́й-  
ственнии. / Ов, у́бо равноа́нгельное облобыза́в, /  
еди́нственное жити́е да́же до конца́ пожив, / кро́-  
вию му́ченическою присво́яется Христу́; / ов же, в  
во́инских просия́в сосло́вних, / Небе́сным воин-  
ствосло́виям градопису́ется. / Те́мже и в па́мяти их  
исцелѣ́ния подаю́т / ве́рою соверша́ющим, / моля́-  
щися о душа́х на́ших.

### И ны́не, Богоро́дичен или́ Крестобогоро́дичен.

Подобен: О, пресла́внаго чудесе́!

Не терплю́, Ча́до, ви́дящи Тя на Дре́ве усну́вша, /  
бо́дрость всем даю́щаго, / я́ко да я́же дре́вле  
преступле́ния пло́дом / сном погѣ́бельным ус-  
ну́вшим, / Божѣ́ственную и спаси́тельную бо́д-  
рость пода́си,— / Де́ва глаго́лаше, пла́чущи, / Ю́же  
велича́ем.

### На стихо́вне, Окто́иха.

#### Сла́ва, глас 2:

Прииди́те, ве́рных сосло́вие, днесь, / пе́сньми  
венча́им Ки́ра со Ио́анном, / ра́таи благода́ти и  
да́тели прося́щих обильнейшия, / многообра́зне бо  
всем яви́шася вра́чеве пресве́тлии. / Те́мже и мо́лят  
о душа́х на́ших.

### И ны́не, Богоро́дичен или́ Крестобогоро́дичен.

Подобен: Егда́ от Дре́ва:

Грозд всезрѣ́лый, Чи́стая, / Егóже невозде́ланно  
во утробе́ плодоноси́ла еси́, / на Дре́ве я́ко узрѣ́ла  
еси́ Сего́ повѣ́шена, / рыда́ющи, восклицáла еси́ и  
взывáла еси́: / Ча́до, сла́дость иска́пай, / ё́уже  
оты́метса пья́нство вся́кое страсте́й, Благоде́те-  
лю, / Мене́ ра́ди, Тебе́ ро́ждшия, / Твои́м благоутро́-  
бием умоля́емъ.

### Тропа́рь, глас 5:

**Ч**удеса́ святы́х Твои́х му́ченик / стѣну необори́му  
нам дарова́вый, Христе́ Бо́же, / тех моли́твами  
совѣты язы́ков разори́, / Це́рковь Святу́ю укрепí, /  
я́ко Еди́н Благ и Человеколю́бец.



**Ин тропарь, глас 5:**

**Т**роичная благодать всельшися в честная сердца ваша, / преблаженнии Кире и Иоанне, / на духи нечистыя страшни прогонители явистеся. / И не точно явленным, но и тайным / недугом врачуе бысте, / темже, дерзновение имуще к Человеколюбцу Богу, / непрестанною молитвою душевныя наша страсти исцелите.

**Ин тропарь, глас 5:**

**С**вятїи славнии Кире и Иоанне, / безсребреницы, мученицы и чудотворцы, / милосердием своим, яко стеною неборимою, нас оградите от всех бед / и от врагов видимых и невидимых сохраните / непрестанною вашею молитвою ко Господу.

**НА УТРЕНИ**

**Оба канона Октоиха и святых на 6, глас 4.**

**Песнь 1**

**Ирмос:** Моря черную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

**В**ласть на леств восприял еси, Кире блаженне, / сострадальца болезней имев Иоанна славнаго. / Тем сладости лучшия на Небесех наслаждаетесь.

**В**оинством духовным препоясався, Кире всечестне, / земное же воинство оставив, Иоанне всехвальне, / на демоны взясте от Христа победительная.

**Ф**еклине добродетели поревновавше, жены Божественныя, / в девственную равноангельную одежду благочестно одеяшася, / мученическим же желанием к подвигом совлекошася.

**Богородичен:** Безсеменно Отчею волею от Божественнаго Духа / Божияго зачала еси Сына и плотию породила еси, / из Отца безматерня, нас ради из Тебе безотча.

**Песнь 3**

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Плотскою** нѣмощию, укрепляеми Христовыми страстьми, / благославнии мученицы человекоубийцу низложыша.

**Болезней** плоти и нетленные сладости Духом Христовы мученицы приемлюще, радовахуся.

**Укрепися** немощное женскаго Крестом естества, / темже врага змия мужески победиша.

**Богородичен:** Ты едина земным паче естества благих Ходатаица, Мати Божия, была еси, / темже Ти, радуйся, взываем.

#### **Седален, глас 4.**

**Подобен:** Вознесыйся:

**Долу** влекущая сласти поправше, / к мучения страдальцы Божественней высотѣ светло възьстеся благодатию, / Кире и Иоанне, вселенныя светильницы. / Темже молимся омрачения греха и недугов избавити ны, / сущаго над всеми Бога моляще.

#### **Слава, и ныне, Богородичен:**

**По** Бозе в Твой, Богородице, прибег, смиренный, покров Божественный, / припадая, молюся: / помилуй, Пречистая, яко превзыдоша главу мою греси, / и боюся, Владычице, мук, и трепещу, / моление сотвори, Чистая, к Сыну Твоему от сих избавити мя.

#### **Крестобогородичен:**

**Из** Безначальнаго Отца рожденнаго, напоследок Тя плотию рождающая, / на Крестѣ висяща зрящи, Христе, — / увы Мне, любезнейший Иисусе, — вопияше: — / како, славимый яко Бог от Ангел, / от беззаконных ныне человек, Сыне, хотя распинаешися? / Пою Тя, Долготерпеливе.

#### **Песнь 4**

**Ирмос:** Вознесена Ты видевши Церковь на Крестѣ, / Солнце праведное, / ста в чине своем, / достойно взывающе: / слава силе Твоей, Господи.

**Невечерняя** благодати светозарение враги низложы любомрачныя лъсти, / сея ратоборцы, светильники сияющия, Кира и Иоанна показавши.

**Усладишася** Тройческим рачением, / и от Нея мученицы зело возлюблены бывше, Кир же и



Иоáнн, / соединéнием лúчим оргáни Бóжии пока-  
зáстеся.

**Я**ко чéстен ваш храм, отгонítелен лука́вых  
духов, / отгоняет недúги всех болящих, непобедí-  
мии мученицы, / благодáть исцелéния подава́ет.

**Богорóдичен:** Неискусобráчно родилá есй, о  
Дéво, / и по рождествé явйлася есй дéвствующи  
пáки; / тэмже немóлчными глáсы, рáдуйся, Тебé,  
Владычице, / véрою несомнénною взывáем.

### Песнь 5

**Ирмóс:** Ты, Гóсподи, мой Свет, / в мир пришёл  
есй, / Свет Святы́й, обраща́й из мрачна не-  
вэдéния / véрою воспева́ющия Тя.

Тя, Спáсе, двóица мучеников возжелé, / Ты,  
Святы́й во святых, Кíра и Иоáнна достóйно почёл  
есй.

Твое́ дéло, Бла́же, врагá потреблéние, / Ты  
мученики благочéстия Крестóм соделал есй / и  
слáвою венчал есй.

Тя едíнаго любíти небоязненным мудровáни-  
ем, / помáзавшеся дéвством, Иоáнн и Кир мýже-  
ство соделаша.

**Богородичен:** Тя орудíе непобедíмое на врагй  
предлага́ем, / Тя твёрдость и наде́жду нáшего  
спасéния, Богоневéсто, íмамы.

### Песнь 6

**Ирмóс:** Пожру́ Ти со глáсом хвалéния, Гóсподи, /  
Цёрковь вопиёт Ти, / от бесóвския крóве  
очищшися / рáди мýлости от ребр Тво́их / истék-  
шею крóвию.

Пожрётися мученицы за Христá извóлиша, не-  
жели íдолом пожрёти, / лука́ваго же мучítеля  
привестй, / за милосёрдие за ны пожёршагося, я́ко  
овчá.

Изнемогóша íже нещáдно мученики стру́жу-  
щии, / стру́жемым же стрéлы я́звы младéнец бывá-  
ху: / преслáвно бо утвержда́хуся Божéственным  
Дúхом.

Гóспода и Царя́ всея твáри исповéдавшая véрою  
двóица единомúдренная и единостранáльная / без-  
закóнным дáже до крóве сопротíвишася.

**Богородичен:** О, чудо, всех чудес новейшее!/  
Яко Дева во утробе всяческая Содержащаго,  
неискусомужно зачѣнши, не тесновместѣ.

### Кондак, глас 3.

Подобен: Дева днесь:

**О**т Божественныхъ благодати дар чудесъ приемши, святѣи,/  
чудодѣйствуете непрестанно,/  
вся наша страсти рукодѣйствомъ секуще невидимымъ,/  
Кире Богомудре со Иоанномъ славнымъ:/  
вы бо Божественнии врачеве есте.

### Икос:

Сами себе Богу возложше, святѣи,/  
всякое искушение лютыхъ Его ради претерпесте,/  
умерше усердно, мученицы доблии,/  
и по кончинѣ всемъ источаете Божественная дарования,/  
сущимъ в различныхъ недужехъ,/  
и от многихъ исцеляюще золъ,/  
от нихже единъ и первый есмь азъ, окаянный./  
Тѣломъ бо и душею от язвъ лютыхъ болѣзную/  
и верою вамъ вопию:/  
исцелите мя,/  
вы бо Божественнии врачеве есте.

### Песнь 7

**Ирмос:** В пещи авраамстии отроцы персидстей,/  
любовию благочестия паче,/  
нежели пламенемъ, опаляеми, взываху:/  
благословенъ еси в храме славы Твоея,/  
Господи:

Извесивше яко в преклонении мѣрила мудрование,/  
тяготою пречистыя славы страдальцы возвышаеми, взываху:/  
благословенъ еси в храме славы Твоея, Господи.

Не невѣдуще супостатнаго умышленийъ, всякран видъ и ласканийъ поплевавши, мученицы:/  
благословенъ еси,—вопяху,—/  
в храме славы Твоея, Господи.

Терпениемъ ранъ венчаеми, Иоаннъ же и Киръ, защитницы, Троице взываху:/  
благословенъ еси в храме славы Твоея, Господи.

**Богородичен:** Вышняго освященное Божественное селение, радуйся!/  
Тобою бо дадеся радость, Богородице, зовущимъ:/  
благословена Ты в женахъ еси, Всенепорочная Владычице.



## Песнь 8

**Ирмос:** Руце распротёр, Даниил / львов зияния в рове затчэ; / огненную же силу угасиша, / добродетелию препоясавшеса, / благочестия рачителы отроцы, зывающе: / благословите, вся дела Господня, Господа.

Ко отвержению убо нечестивии естеством сущаго Бога призываху люте; / но непобеднии мученицы тварюю являху всех Зиждителя суща, зывающе: / благословите, вся дела Господня, Господа.

Неистовствующиися лестию гневно, земная мудрствующи мучителие / иже житие имущия на Небесех неразоримо смертию к жизни отсылаху, зывающия: / благословите, вся дела Господня, Господа.

Мощи мучеников блистания чудес явшася вселенней, Христэ, / злодемона мечтанныю лесть посрамляюще, / вопиющим же благолепно исцеления подающе: / благословите, вся дела Господня, Господа.

**Богородичен:** Без матере из Отца Слово Сый, первее, / без отца бысть из Тебэ, второе, Всечистая, / воплощся первее Безплотный, / за благоутробие восхотев спасти поющия: / благословите, вся дела Господня, Господа.

## Песнь 9

**Ирмос:** Камень нерукосечный / от несекомыя горы, Тебэ, Дево, / краеугольный отсечеса, / Христос, совокупивый разстоящаяся естества. / Тем, веселящеса, Тя, Богородице, величаем.

Послушлива до смерти двойца непобедимых мучеников явися, Иоанна и Кира, / Владычним Божественным велением, / темже в руце Зиждителя своя души предаша.

Светила сияют два, чудес сияния, от Источника единого светоноснаго, / немощным источающа нетленную благодать, / яже достойно величаем.

Единицу убо Божественнаго существа, но Ипостасьми Троицу, / непобедимых мученик двоица мужески богословяще: / воплощеннаго же Слова, Единого Христа во двою естеству.

**Богорóдичен:** Пощади́ мя, Христé, егда́ приидеши судити мир со славою, / разреши мглу страстéй мо́их, мо́льба́ми рóждшия Тя и честнóх мученик Тво́их, / я́ко Благ и Многоми́лостив.

**Свети́лен:**

**Подóбен:** Не́бо звезда́ми:

**Чудодéйственнии свети́льницы,** Кíре со Иоáном, / душéвныя на́ша недúги и телéсныя исцелíte, / от Гóспода приéмше благодáть исцелéний.

**Богорóдичен:**

**От Бóга мíрови подáнных благóх Ты вина́ была еси́,** Богорóдице, / но и ны́не моли́ о óбщем спасéнии благопрéмннaго Бóга.

**На стихóвне Октóиха.**

**Сла́ва, глас 4:**

**Достохва́льными пéсньми, вéрнии,** / возвели́чим Кíра и Иоáнна, / в дýсе единокрóвныя и по плóти братомúдрыя, / с ними́ же Афана́сию дóблюю похваля́юще / и прозябéние ея́: / Феодóтию, Евдокси́ю и Феокти́сту, / страсотéрпицы и приснодéвы, / моля́ция Христá о душа́х на́ших.

**И ны́не, Богорóдичен или́ Крестобогорóдичен.**


**Подóбен:** Зва́нный свéщше:

**Не рыда́й Менé, Мáти,** / зря́щи на Дре́ве повéшена Твоeгó Сы́на и Бóга, / на вода́х повéсившаго зéмлю неoдeржи́мо / и всю тварь создáвшаго, / íбо воскресну́, и прослáвлюся, / и áдова ца́рствия сокрушу́ крéпостию, / и погублю́ тогó си́лу, / и связа́нныя изба́влю от злодéйства eгó, / я́ко Благоутрóбен, / и Отцу́ Моему́ приведу́, я́ко Чeловеколю́бец.

**НА ЛИТУРГИИ**

**Блаже́нны Октóиха, на 4 и святóх от канóна пeснь 3-я, на 4. Прокíмен, глас 4:** Святóм, íже суть на земли́ Егó, / удивí Госпóдь вся хотéния Сво́я в них. **Стих:** Предзрéх Гóспода предo мно́ю вóину, я́ко одесну́ю менé есть, да не подви́жуся. **Апóстол к Коринфяном, зачáло 153.** Аллилу́ия, **глас 2:** Се чтó добрó, или́ чтó краснó, / но е́же жи́ти бра́тии вку́пе. **Ева́нгелие от Матфе́я, зачáло 34, от полу́. Прича́стен:** Ра́дуйтeся, пра́веднии, о Гóспoде:





**Святой чудотворец и бесребреник Кир** был прославленным врачом в городе Александрии, где родился и получил образование. Он лечил больных безвозмездно, подавая помощь как обыкновенными средствами медицины, открытыми Гиппократом и Галеном, так и духовной силой веры и молитвы, врачюя также душевные недуги, которые часто бывают причинами телесных болезней. Своими наставлениями и примером добродетельной, истинно христианской жизни святой врач обратил ко Христу многих язычников.

В то время император Диоклитиан (284—305) воздвиг на христиан ожесточенное гонение. Святой Кир был обвинен перед наместником Александрии, что он — христианин, и многих наставляет в христианской вере; наместник приказал арестовать святого. Узнав об этом, святой Кир удалился из города в Аравийскую пустыню. Это он сделал не из страха пыток или мученической смерти за Христа, но, во-первых, исполняя слова Христовы: «Когда вас гонят в одном городе, бегите в другой» (Мф. 10, 23), во-вторых, из желания продолжить свою помощь ближним; в-третьих, желая достойно приготовить себя

к страданиям за Господа в иноческом чине. По прибытии в Аравийскую пустыню святой Кир незамедлительно принял монашеский постриг.

Господь удостоил его дара чудотворения, и он уже не лечением и травами, а молитвой и словом исцелял всякие болезни. Видя это, язычники прославляли Имя Христово и, оставив свои заблуждения, обращались ко Христу, Истинному Богу.

В то время в Едессе (город в Киликии, юго-восточной области Малой Азии) жил святой Иоанн, благочестивый христианин, имевший почетное воинское звание. Когда началось гонение, он оставил все и пришел в Иерусалим. Услышав о святом Кире и совершаемых им чудесах, святой Иоанн возгорелся желанием подвизаться вместе с таким великим угодником Божиим. На розыски святого Кира он отправился, прежде всего, в Александрию, затем в Аравию. Найдя там святого Кира, святой Иоанн всей душой привязался к нему и стал его верным последователем, усердно подражая его добродетельной жизни.

Узнав, что в Египте, в городе Канопе, схвачена христианка Афанасия с тремя юными дочерьми: Феохтистой — 15 лет, Феодотией — 13 лет и Евдоксией — 11 лет, святые Кир и Иоанн поспешили в Каноп, опасаясь, как бы страх перед мучениями не заставил юных исповедниц отречься от Христа. Они посетили их в темнице, где вдохновенными речами укрепили в любви к Спасителю и утвердили в мужестве перед предстоящим подвигом.

Об этом было донесено градоправителю Канопы Сириану, который в ярости приказал схватить обоих мужей и привести к себе. Святые Кир и Иоанн были немедленно схвачены. На допросе, убедившись в их твердом и безбоязненном исповедании веры во Христа, правитель Сириан приказал жестоко пытаться святых на глазах Афанасии и ее дочерей. Святые исповедники остались непоколебимыми. Оставив их, мучитель начал истязать Афанасию с дочерьми, но не смог побороть их мужества и повелел обезглавить. Вслед за ними на том же месте казнили и святых бесребреников Кира и Иоанна (†311). Христиане погребли их тела в церкви святого



апостола и Евангелиста Марка. В 412 году мощи святых Кира и Иоанна были перенесены из Канопа в близлежащее селение Мануфин. В селении Мануфин было языческое капище и обитали злые духи, внушавшие всем страх. Патриарх Александрийский Феофил (385—412) хотел очистить это место, но не успел. Его преемнику

святителю Кириллу (412—444) явился в видении Ангел Господень и повелел перенести в Мануфин святые мощи Кира и Иоанна. После перенесения их селение очистилось от вражеской силы. Святитель Кирилл построил в Мануфине храм во имя святых. Впоследствии их мощи были перенесены в Рим, а оттуда в Мюнхен.



В  
ТОЙЖЕ  
ДЕНЬ

**Иже во святых отца нашего Никиты епископа,  
Новгородскаго чудотворца.**

**ВѢЧЕР**

**Блажен муж: На Господи, возвах: стихиры на 6,  
глас 6.**

**Подобен: Всю отложивше:**

**П**лотское стремление / воздержанием увядил еси, / ликом постническим совокупился еси, / безстрастием украшен, / ум предпочистив / непрестанными к Богу мановением, / святительства паству восприял еси, / прилежно о стаде попечение имел еси, / святителю Никито, / душетленных недугов отгоняя мрак / и просвещая светом Богоразумия. / О всех прилежно молися, / спастися душам нашим.

**Преподобне отче, / Богоблаженне святителю Никито, / прилежные молитвы / за люди твоя Богу приносил еси, / и, бездождию некогда бывшу, / ты, Владыку Христа умолив, / дождь с Небес свел еси, / и чада твоя возвеселил еси, / и благодарение Богу возсылати / вся научил еси. / И ныне о стаде твоём прилежно молися, / спастися душам нашим.**

**Богоблаженне отче, / святителю Никито, / человеке Небесный, земный Ангеле, / делателю виноградя Христова, / уме Божественный, духовный органе, / светильниче многосветлый, / любви струя неистощимая, / видя града запаление / и люди, в печали и тузе пребывающия, / прилежно Христу молился еси, / и пламень угасил еси, / и от скорби на радость люди твоя пременял еси.**



### Слава, глас 6:

Священна и славна Церковь Великаго Новграда, / архиерей же, и священнх собори, / и множество народа, / светло торжествующе в память святителя Никиты, / с любовью зывают: / радуйся, пресветлый светильниче и молитвенниче теплый: / многа бо лета сокровены бша честныя твоя мочи, / ныне же обреташа целы и неразрушмы / и паче солнца сияючи, / яже любезно лобызаем, освящение приемлюще и глаголюще: / сия суть чада твоя, святителю, / яже Евангелием породил еси / и в православии утвердил еси. / И ныне молися Господу / спастися душам нашим.

**И ныне, Богородичен. Вход. Прокимен дне. И чтения 3, святительская (зри страницы 332—334).**

### На литии стихиры, глас 2.

**Подобен:** Егда от Древа:

Божественная благодать духовная / помоза ты миром разумным, святителю, / Великому Новуграду первопрестольника, / и Богоугодное твое житие прекрасна ты, Богомудре, показа. / Святителей был еси благолепие, / преподобных украшение, / и ныне мир весь просвещаеши чудесными зарями. / Тем память твою, Никито, торжествуем.

По честнем твоём преставлении / многа лета сокровены бша честныя мочи твоя, / святителю Никито, / ныне же обреташа целы и невредимы, / и, яко светозарное солнце, сияюще, / верных сердца просвещающе / и весь мир озаряюще. / Темже радостно совершаем пречестную память твою.

Яко свеща пресветлая, / и яко светильник всемирный, / и яко заря прекрасная, / и яко звезда незаходящая, / посреди великия Церкви просияша честныя мочи твоя, святителю, / светносными блистаниями стадо твое просвещающе / и вся, со страхом прикасающиеся / и умильно вопиющая: / сон честен пред Господом смерть преподобных Его.

### Слава, глас тойже:

Законы соблюл еси духовныя, / люди твоя благочестию научил еси, / первосвятительствуя Велико-

му Нову́граду, / и тѣло твоѣ в нем положи́л еси́, я́ко дар освяще́н, / и си́е мно́гими лѣты сокрове́но бысть, / ны́не же обрѣте́ся це́ло и нетле́нно. / Приходя́щие же к ра́це твоѣй, лобза́юще, освяща́ются, / с ве́рою и любóвию вопи́юще: / о́тче наш, святы́телю Никі́то, / моли́ спасті́ся душáм нáшим.

**И ны́не, Богорóдичен.**

**На стихóвне стихи́ры, глас 5.**

**Подóбен: Рáдуйся:**

**Рáдуйся,** свяще́нная главо́, / архиере́ю Никі́то, святы́телем удобре́ние, / по́стником украше́ние, свяще́нником благоле́пие, / Вели́кому Нову́граду утвержде́ние: / на земли́ бо, я́ко А́нгел, пожи́л еси́, / беззло́бием и пра́вдою укра́шен, / свети́ло вели́кое я́вився нам / и мир весь просвеща́я предивны́ми чудесы́. / Те́мже моли́ся Хри́стови / дарова́ти душáм нáшим мир и ве́лию мѝлость.

**Стих:** Че́стна пред Го́сподем / смерть преподо́бных Егó.

**Рáдуйся,** свяще́нная главо́, / по́стников непоколебѝмый сто́лпе, / А́нгелов собесѣдниче. / Пречи́сто зерца́ло Ду́ха Пресвята́го я́вился еси́ / и, Того́ заря́ми прѝсно облистáяся, / ве́рных сердца́ озаря́еши, / болѣзни облегча́еши, недúги отгоня́еши. / Те́мже моли́ся / дарова́ти душáм нáшим мир и ве́лию мѝлость.

**Стих:** Блаже́н муж, бойся Го́спода, / в за́поведех Егó восхо́щет зело́.

**Рáдуйся,** свяще́нная главо́, / святы́телю Богоприя́тне, / сто́лпе непревратный, / непоколебѝмо основа́ние ве́ры, / церкóвное украше́ние, святы́телей удобре́ние, / сла́ва пра́ведных. / Те́мже ты ублажа́ем, моле́бно воспева́юще: / святы́телю Богодохнове́нне, / моли́ся Хри́сту / дарова́ти душáм нáшим мир и ве́лию мѝлость.

**Сла́ва, глас 6:**

**Челове́че Небе́сный, земный А́нгеле,** / де́лательу виногра́да Хри́стова, / уясни́л еси́ ве́рных сердца́ медото́чными учѣнии, / и вся благоле́пно просвети́л еси́, / и ны́не от Хри́ста неувяда́емым увязлся еси́ венце́м, / моли́ о душáх нáших.

**И ны́не, Богорóдичен.**



**Тропáрь, глас 4:**

**Н**асладився, Богомудре, воздержания / и желáние плóти твоея обуздав, / на престóле святителства сел еси, / и яко звезда́ многосвѣтлая, просвещáя вѣрныхъ сердца / зарíями чудес твоихъ, óтче нашъ, святителю Никíто, / и ны́не моли́ Христа́ Бóга, / да спасёт дýши наша.

**Ин тропáрь, глас 2:**

Небѣснаго простра́нства желáя, / от юности в тѣсне мѣсте затворíлся еси, / в нёмже прельщён быв от врага́, / паки смире́нием и послуша́нием / победíл еси прелѣстника крѣпце, Никíто, / и ны́не, предсто́я Христо́ви, / моли́ спастíся всем нам.

**НА УТРЕНИ****По 1-й стихоло́гии седа́лен, глас 3:**

Яко пресвѣтло со́лнце, возсия́в, / лю́ди твой просветíл еси́ учéнии словес твоихъ, / страстѣй очерне́ние потребíл еси́, святителю Никíто. / Моли́ Христа́ Бóга дарова́ти нам ве́лию мíлость.

**Сла́ва, и ны́не, Богоро́дичен:**

Яко невозде́ланная, Де́во, лоза́, / красне́йший грозд прозяблá еси́, / источáющи нам вино́ спасе́ния, всехъ веселя́щее дýши же и телеса́. / Те́мже, яко́ вину́ Тя до́брыхъ блажа́ще при́сно, / со Ангеломъ вопи́емъ Ти: / ра́дуйся, Благода́тная.

**По 2-й стихоло́гии седа́лен, глас 4:**

От искуше́ний лука́ваго премудре́нно себе́ собло́л еси́, святителю, / и вконѣцъ то́го низложíл еси́, / и Христо́вы Цѣркве столп и утвержде́ние был еси́. / Те́мже, соше́дшеся, па́мь твою́ почита́ем, Богомудре.

**Сла́ва, и ны́не, Богоро́дичен:**

В кровъ Твой, Пречíстая Де́во, прибега́ющихъ, / мольбу́ приѣмши от нас: / не преста́й моля́щи Человеколю́бца спастíся рабо́мъ Твои́м.

**По полиеле́и седа́лен, глас 8:**

Смире́нием Влады́це Христу́ послѣдовав, / воздержáнием жити́е украсíл еси́ / и, от Сего́ мудрости́ сло́во вверя́я, / к добродѣтели наказáтель

явился еси. / Тёмже вопиём ти: / святителю Никито, моли Христа Бога согрешений оставление даровати / чтущим любовь святую память твою.

### Слава, и ныне, Богородичен:

Небесную дверь и кивот, / пресвятую гору, светлый облак воспойм, / неопалимую купину, словесный рай, Евы воззвание, / вселенная вся великое сокровище, / яко спасение в Ней соделася миру и оставление древних согрешений. / Сего ради вопиём Ей: / молися Сыну Твоему прегрешений оставление даровати / благочестно поклоняющимся Всесвятому Рождеству Твоему.

**Таже степенна, 1-й антифён 4-го гласа. Прокимен:** Честна пред Господем / смерть преподобных Его. **Стих:** Что воздам Господеви о всех, яже воздаде ми? **Всякое дыханье: Евангелие от Матфея, зачало 11. Псалом 50.**

### Стихира, глас 6:

Духа Святаго благодать в твоих устнах излися, / отче Никито святителю, / и был еси пастырь Христова Церкви, / уча словесная овцы / веровати в Троицу Единосущную, / во Едино Божество.

**Канон Богородицы со ирмосом на 6 и святаго два канона на 8. Канон святаго: пение молебное, сложено по азбуце, совершено же именем списавшаго, глас 3.**

### Песнь 1

**Ирмос:** Сущу глубородительную землю / солнце нашествовало иногда: / яко стена бо, огусте обаполы вода / людем пешемореходящим / и богоугодно поющим: / поим Господеви, славно бо прославися.

**Агггче непорочный, Божий Слове,** / отвързи моя недостойная уста, / да возмогу воспети святителя Никиту, Твоего угодника.

**Болезньми постническими** душу просветив, преподобне, / яко чисту жертву Христу представил еси, радуяся, поя: / славно бо прославися.

**Воздержанием** тело духу поработил еси, / душу же равноангельну сотворил еси. / Поминай верою чтущия тя, поя Богу: / славно бо прославися.

**Богородичен:** Господородительнице Владычице Марие, / моли, Ебоже родила еси, Бога и Царя нашего, / да милостив будет нам в день Судный.



**Другій канон, сложен такоже по азбуце воспя-  
тословесно, глас 7.**

### Песнь 1

**Ирмос:** *Поспешествовавшему Богу во Египте  
Моисеови, / известі Израіля, / Тому Единому по-  
им, яко прославися.*

**Щедроты** Твоя призываем, Господи, / да досто-  
но пение принесем угоднику Твоему, святителю  
Никите, / Тя воспевающе, яко прославися.

**Шествие** твоё добре скончал еси и на Небеса  
возшел еси. / Престолу Владычню предстои, со  
Ангелы Того воспеваеши, / яко прославися.

**Что** шум празднующих бывает и люди светло  
торжествуют? / Днесь бо обретошася честныя  
мощи святителя Никиты, / и вси радостно вопиют  
Христу, яко прославися.

**Богородичен:** Царицу и Владычицу Тя именуем,  
Дево, / под кров Твой прибегающе и помощи от  
Тебе просяще, / Сыну Твоему воспевающе, яко  
прославися.

**Катавасия:** *Сушу глупородительную землю:*

### Песнь 3

**Ирмос:** *Неплодная душе и безчадная, / стяжи  
плод благославный, / веселящийся, возопий: / ут-  
вердихся Тобю, Боже, / несть свят, несть правед-  
ден, паче Тебе, Господи.*

**Делатель** быв заповедей Господних, / непрестан-  
но в них поучаяся, отче Никито, / сего ради вшел  
еси в Небесная, вопия радостно: / несть свят и  
несть праведен, паче Тебе, Господи.

**Егда,** завидев тебе, прелюкавый хотяше запяты  
от добродетелей, / сопротивостав, преподобне, без  
вести того сотворил еси, Христу вопия: / несть  
свят и несть праведен, паче Тебе, Господи.

**Житием** добродетельным Богу угодил еси, вели-  
ара посрамив, / и Христу возопил еси: / несть свят  
и несть праведен, паче Тебе, Господи.

**Богородичен:** *Зачала еси Отчее Слово Ипостас-  
ное, / Егоже моли, Богородице, избавити от бед  
рабы Твоя, / воистинну призывающия Тя.*

**Ин**

**Ирмос:** Утвердися верою Христова Церковь, /  
ибо непрестанно пѣсньми вопиет, поюще: / Свят  
еси, Господи, / и Тя поет дух мой.

От земныхъ недр восприемлем, яко дар освя-  
щен, честныя мѳщи твоя, святителю, / и от сих  
освященіе приемлем, Христа воспевающе: / Свят  
еси, Господи, спасаая души наша.

Храм Святаго Духа от юности был еси, отче, /  
сего ради и по смерти соблюдѣся тѣло твоѣ  
нетлѣнно, / и, сие радостно лобызающе, вопиѣм  
Христу: / Свят еси, Господи, спасаая души наша.

Фарисейское тщеславіе отринувше, / со смире-  
нием и радостію целуем честныя твоя мѳщи,  
святителю Никито, Христу вопиюще: / Свят еси,  
Господи, спасаая души наша.

**Богородичен:** Украшена ряснами чистоты, Пре-  
чистая Отроковице, / благословенная Владычице,  
Предстательнице рода нашего.

**Катавасія:** Утверждение на Тя:

**Ин кондак, глас 1:**

Победивъ вражия лѣсти дѳбле / и свѣтло добродѣ-  
тельницами просияв, / святительства одеждою облѣкся  
еси, преславно Никито, / в немже свѣтом житія  
твоего и чудесы сияя паче солнца, / многих  
просветивъ, привел еси Христова, / Егѳже моли о  
нас, поющихъ тя.

**Седален, глас 1:**

Яко сад присноцветущ, люди твоя сотворил  
еси, / сия во благочестии возрастив, умножил еси, /  
и от сего верен раб и делатель винограда Христо-  
ва показался еси, / и трудомъ возмездие достойно  
восприял еси, святителю, / моли Христа Бога, да  
спасет души наша.

**Слава, и ныне, Богородичен:**

Всех Творца, Бога же и Содетеля, Всенепорѳ-  
ная Чистая, / Духом Божественнымъ в ложеснахъ  
Твоихъ зачѣнши, / без ислѣния родила еси. / Егѳже  
славяще, Тя воспеваем, Дѳво, / яко палату Царя  
всех и міра заступленіе.



### Песнь 4

**Ирмос:** Положил еси к нам твердую любовь, Господи, / Единороднаго бо Твоего Сына за ны на смерть дал еси. / Темже Ти зовем, благодаряще: / слава силе Твоей, Господи.

Законом отеческим последуя и сих житие подражая, / непрестанно Христу зывал еси: слава силе Твоей.

Из млада Христа возлюбил еси, / сего ради яко рачителя Своего возлюбил ты, / к Немуже вопиеш: / слава силе Твоей.

Исполняя законы Божественныя, / преисполнился еси дарований Божественных, святителю Никито, верно зывая: / слава силе Твоей, Господи.

**Богородичен:** Кадильнице всезлатая, Марие Всенепорочная, / Христа моли, Егоже родила еси, / избавитися нам от бед и огня вечнующаго.

### Ин

**Ирмос:** Плотское пришествие Твое, Христе, уверяя, / пророк Аввакум зываше: / слава силе Твоей, Господи.

Тя молитвенника непостыдна ко Владыце стяжанием, святителю, / моли о воспевающих память твою, / избавити в будущем Суде вечнующаго осуждения.

Светлыми сияньми провозсиявшия честныя твоя мочи / от многих бо лет быша сокровены, / ныне же, яко заря пресветла, просвещают и освещают поющих тя.

Радость, и веселие, и радование неизреченно / твоему стаду, святителю, показася обречение честных мощей твоих, / в неже испроси нам оставление грехов и великую милость.

**Богородичен:** Православною верою и любовию притекающих Ти / и со страхом поющих Тя / молебный глас услыши, Владычице.

**Катавасия:** Покрывает небеса:

### Песнь 5

**Ирмос:** К Тебе утренюю, всех Творцу, / преимуществу всяк ум миру: / зане свет повеления Твоя, / в нихже настави мя.

**Лук** врага сокрушил еси, / и брань его до конца разорил еси, / и совершения добродетелей, преподобне, достигл еси.

**Молитвою** возшел еси на Небесная, / идеже с лики отец пребывая, веселишися. / Поминай, преподобне, память твою светло торжествующия.

**Неизреченных таин** Христовых служитель быти сподобился еси / и, сия принося Богу, за мир прилежно молился еси.

**Богородичен:** Упование и надежда наша Ты еси, Пречистая Владычице, / спаси люди Твоя, молящиеся и имя Твое призывающия.

### Ин

**Ирмос:** Утренююще, Слове, в славу Твою и хвалу, / восхваляем непрестанно образ Креста Твоего, / егже дал еси нам оружие в помощь.

**Умиления** источник мне испроси, в честнем твоём торжестве, святителю Никито, / да отмыю скверну души моея / и покаяние молитвами твоими обрящу на помощь оружие.

**Новаграда** быв первосвятитель истинен, / облаговони наша чувства душевная, / да молитвы твои представиши нам на помощь оружие.

**Множеством** искушений содержим есмь, / на ты надежду возлагаю, святителю Никито, / да представиши ми молитву твою на помощь оружие.

**Богородичен:** Лествица проображаше Тя патриарха Иакова, Всенепорочная Владычице, / Божие схождение нам яве сказующи.

**Катавасия:** Яко виде Исаия:

### Песнь 6

**Ирмос:** Бездна последняя грехов обыде мя, / и исчезает дух мой, / но прострѣй, Владыко, / высокую Твою мышцу, / яко Петра, мя, Управителю, спаси.

**Предызбран** быв Божественною благодатию, во еже паствити стадо христоименито, / ты же, преподобне, яко пастырь истинен, / прилежно о стаде попечение имел еси.

**Разумне** рассуждая, чада твоя часто наказовал еси духовными словесы, / да пребудут твердо соблюдающе веру православную.



**Святительства** честию почтён, прилѣжно молѣние за лю́ди тво́я приноси́л еси́: / да ми́лостива Бо́га обря́щут в день Сۇднѣй.

**Богородичен:** Ты еси́, Пречы́стая Богородице, прибе́жище на́ше и утвержде́ние, / моли́ Сы́на Твоего́ и Бо́га на́шего подати́ нам спасе́ние и грехо́в оставле́ние.

**Ин**

**Ирмо́с:** Пла́вающего в молвѣ житѣ́йских попече́ний, / с кора́блем потопля́ема грехи́ / и душетле́нному зве́рю приметáема, / я́ко Ио́на, Христе́, вопию́ Ти: / из смертоно́сных глубины́ возведи́ мя.

**Кре́пость** и утвержде́ние испроси́ отѣчеству на́шему, святителю́ Никито́: / да моли́твами твои́ми христиа́нский род в ти́шинѣ пребу́дет, / воспева́ющий тя, я́ко те́пла заступника́.

**Изба́вители** ста́ду твоему́ вся́каго озлобле́ния и ско́рби / моли́ся, святителю́ Никито́: / ты бо еси́ наде́жда непосты́дна, / упова́ние изве́стно и стена́ необори́мая.

**И** нам, пою́щим и сла́влящим твою́ па́мять, / испроси́, святителю́ Никито́, / грехо́в разреше́ние, суда́ и му́ки избавле́ние / и Ца́рствия Небе́снаго сподо́битися.

**Богородичен:** Земно́родных естество́ на Не́бо Тобо́ю взы́де, / пала́та бо Царе́ва обрелáся еси́, Богородице, / те́мже согла́сно воспева́ем Тя.

**Катавасия:** *Возопи́ к Тебе́:*

**Конда́к, глас 6.**

**Подобен:** *Е́же о нас:*

**А**рхиере́йства са́ном почтѣ́всья / и чы́сте Чистѣ́йшему предсто́я, / прилѣжно молѣ́ние за лю́ди тво́я приноси́л еси́, / я́ко и дождь моли́твою свел еси́, / овогда́ же и гра́да запале́ния угаси́л еси́. / И ны́не, святителю́ Никито́, / моли́ Христа́ Бога́ / спасти́ лю́ди тво́я моля́щияся, / да вси вопи́ем ти: / ра́дуйся, святителю́ о́тче предѣ́внѣй.

**Икос:**

**Кто** не почудѣ́тся, кто не просла́вит / неизсле́димую и несказа́нную глубину́ милосе́рдия Твоего́, Христе́ Бо́же? / Я́ко просла́вил еси́ в послѣ́днем

роде уго́дника Твоего́, святителя́ Никиту́, / е́гоже  
обрето́шася честны́я мо́щи це́лы и неразруши́мы. /  
Ему́же рече́м: / егда́ во плоти́ был еси́, преподо́б-  
не, / де́лании Божество́нными ду́шу предочи́стил  
еси́, / святительства́ па́ству воспри́им, / сосу́д изб-  
ра́н Божество́ннаго Ду́ха показáлся еси́ / и ста́до  
твоё до конца́ в ве́ре утверди́л еси́. / Тем ра́дуйся,  
о́тче предивны́й.

### Песнь 7

**Ирмос:** Три́е о́троцы в пещи́, Трѳи́цу прообра-  
зѳивше, / пре́щени́е о́гненное попра́ша / и, пою́ще,  
вопи́яху: / благословѳен еси́, Бо́же о́тец на́ших.

Уясня́ют, воспева́юще, Ангельсти́и чи́ни па́мь  
твою́, Никито́ святителю́, / и мы, земни́и, умѳльно  
вопи́ем: / испроси́ нам оставлѳение согрешѳений и  
благѳих наслажде́ние.

Фарао́на мы́сленнаго победи́л еси́, от Христа́  
дерзнове́ние при́им, / и ве́лие ра́дование святы́м  
Ангелом сотвори́л еси́, поя́: / о́тец на́ших Бо́же,  
благословѳен еси́.

Херувѳму подо́бься, легко́ на высоту́ возше́л  
еси́ / и ны́не со безплѳотными водворя́ешися, Хри-  
сту́ вопи́я: / о́тец на́ших Бо́же, благословѳен еси́.

**Богороди́чен:** От утробы́ Твоея́ про́йде умно́е,  
Богороди́це, Со́лнце, / Сего́ моли́, я́ко Сы́на Твоего́  
и Го́спода, / подати́ нам скорбе́й разреше́ние и  
боле́зней обле́гчение, / да ра́достно от души́ вопи́-  
ем Христу́: / о́тцев на́ших Бо́же, благословѳен еси́.

### Ин

**Ирмос:** Пещь о́троцы огнепа́льну дре́вле / росо-  
точа́щу показáша, / еди́наго Бо́га воспева́юще и  
глаго́люще: / превозно́симый о́тцев Бог и препро-  
сла́влен.

Зѳельным воздержáнием тѳло умертви́л еси́, /  
ду́шу же просвети́л еси́ и равноа́нгельну сотвори́л  
еси́, Бо́гу вопи́я: / о́тцев на́ших Бо́же, благословѳен  
еси́.

Жезло́м па́стырским, святителю́, до́бре лю́ди  
твоя́ упáсл еси́, / от ни́хже я́ко ве́рен па́стырь  
Христу́ возопи́л еси́: / о́тцев на́ших Бо́же, благо-  
словѳен еси́.

Егда́ сядеши́ суди́ти вся́ческая на престѳоле  
сла́вы Твоея́, / тогда́ пощади́ рабы́ Твоя́, Влады́ко, /



молітвами угодника Твоего, святителя Никиты, / да вси умільно вопіем Ти: / отцѣв наших Бóже, благословѣн еси.

**Богорóдичен:** Добрóта честных и святых Ангел, / радование человек Ты еси, Дѣво Богорóдице, / Ты мя к жизни настави, Сыну Твоему вопіюща: / отцѣв наших Бóже, благословѣн еси.

**Катавасія:** Тебѣ, во огни оросившаго:

### Песнь 8

**Ирмос:** Вещественнаго огня пламень / невещественным увядиша Богозрѣмий отроцы и поюху: / благословите, вся дела Господня, Господа.

Людем Россійским испроси, Никито святителю, мир, здравие, спасение и на враги одоление, / да в радости душевной возопіем: / благословите, вся дела Господня, Господа.

Чувственные страсти победив, чистотою, яко солнце, возсиял еси, / чисто житие до конца сохранил еси и Бóгу тем угодил еси. / Ему же вопіем: / благословите, вся дела Господня, Господа.

Шум празднующих слышати, святителю, сподобился еси: / шуияго стояния избави мя и страстей треволения / и к пристанищу покаяния настави мя, / да ты славлю во вся веки.

**Богорóдичен:** Щедрога и человеколюбиваго Бóга родити, Богорóдице, сподобилася еси, / Того моли, Неискусобрачная Отроковице, / низпослати нам, верным, велию милость.

### Ин

**Ирмос:** В пещи отроки подражающе, / духовную росу приемши, / верою зовем: / благословите, дела Господня, Господа.

Гóсподу прославльшу угодника Своего святителя Никиту, / многим бо летом прешедшим сокровены быша честныя его мóщи, / ныне же вси, яже зряще, согласно воспевают: / благословите, дела Господня, Господа.

Увидехом и почудихомся, паче же страхом и радостію объяти быхом, / яко по толицех летех обретóшася честныя мóщи святителя Никиты целы и неразрушимы, / и вси единогласно возопіем: / благословите, дела Господня, Господа.

**Б**ожиим мановением последнему роду явлены  
быша честныя мѡщи святителя Никиты, / сим убо  
прикасающися, освящение приѣмлем, / Христа  
воспевающе во вѣки.

**Богородичен:** Адама новаго родила еси, прежде  
Адама бывшаго, / Сего моли, Богородице, да спа-  
сет души наша.

**Катавасия:** *Нестерпимому огню:*

### Песнь 9

**Ирмос:** *В законе сени и писаний / образ видим,  
вернии: / всяк мужеский пол, ложесна разверзая, /  
свят Богу. / Тем перворожденное Слово Отца  
Безначальна, / Сына, первородящая Материю  
неискусомужно, / величаем.*

**М**оре житейское преплыв воздержанием, до-  
стигл еси широты райския, / идеже со Ангелы  
присно веселишися.

**Р**ака мощей твоих, святителю, дражайши сап-  
фира показася, / чудотворива бо бе и исцеления  
источающи. / Еяже обლობызюще с верою, прихо-  
дящи радостно от души вопиют: / сон чѣстен пред  
Господем смерть преподобных Его.

**К**рестоносно предстоиши престолу Вседержи-  
теля, славою осияваемъ Свѣта Присносущнаго. /  
Молися, Никито святителю, о чтущих верно  
память твою.

**Богородичен:** Лук сокрушися лукаваго одолени-  
ем Сына Твоего и Бога нашего, / чудна победа,  
Богородице, и дивно одоление содеяся, Владычи-  
це, / во спасение душ наших.

### Ин

**Ирмос:** *Паче естества Матерь / и по естеству  
Дѣву, / Едину в женах Благословенную, / пѣсньми,  
вернии, Богородицу величаем.*

**Л**ьвы укротил Даниил древле, / ты же, святителю  
Никито, невидимаго врага, / зияющаго на тя,  
челюсти сокрушил еси / и без вести того сотворил  
еси молитвами твоими.

**К**репкою твоєю молитвою, святителю, язвы ду-  
ши моея исцели, / и находящих искушений избави  
мя, молюся, / и сердца моего направи стезю на  
Божия заповеди пресветлыя, / да ты непрестанно  
величаю.



**Разжені** множество зол моих, святителю, / Богоприятными твоими молитвами, / одожди ми капли покаяния: / боюся бо тамошняго судища, / в немже Судия хощет судити всему миру.

**Богородичен:** Милосердие на рабы Твоя, Чистая, простри, присно молящая Тя, / страшныя муки избавляющи молитвами Твоими.

**Катавасия:** В законе сени и писаний:

**Светилен:**

Плотская мудрования духу повинул еси / и, яко злато, огнем искусився, / приятелище был еси Духу Пресвятому, / отче Никито святителю.

**Богородичен:**

Тя песнями убожаем, Дево, / Бога бо родивши, на руку носила еси, / Того моли за души наша.

**На хвалитех стихиры на 4, глас 4.**

**Подобен:** Дал еси знамение:

**Светильник** ты стяжавше, / священную твою память восхваляем, / священо убожаем, / Церковь бо Христову украсил еси / и люди твои просветил еси, / врученный тебе талант умножив, / радости сподобился еси Господа твоего. / И ныне, святителю, молися / о душах наших.

**Воздержанием** добре воспитався, / в преславную добродетелей высоту возшел еси, / святительства одеждею, пребогате, / и венцем добродетелей украшен. / Благодатию Божественнаго Духа осияемь, / просвети молитвами твоими, святителю Никито, / достоительно восхваляющих / священную и честную память твою.

**Яко** злато чисто, обретохом / честныя твои мощи, Никито святителю, / и сих любовью почитаем, / торжествующе радостно / и яко священние душам обносяще, / Христа прославляем, / прославльшаго тя, угодника Своего, / да и нас сподобит вечнаго наслаждения.

**Слава, глас 8:**

**Благо** Бога верный рабе, / винограда Его прилежный делателю, / добре стадо упасл еси, / и Евангельскими словесы людей твоих сердца наполнил еси, / и семя благочестия в них возрастил еси. /

И ныне предстою Христу, / молюся, святителю Никито, / спасти и просветити души наша.

**И ныне, Богородичен: Владычице, прими:**

**Славословие великое.**

**На Литургии: служба иерархов.**

### Молитва

**О** архиерею Божий, святителю Никито, услыши нас, грешных раб твоих, стékшихся днесъ в священнѣй храм сей, молящихся тебѣ и к священнѣй твоѣй раце притекающих и умиленно вопиющих: якоже седя на престолѣ святительства в Великом Новѣградѣ сем, и единою належашею бездождию дождь молитвами свел еси и паки граду сему, огненным пламенем обшэдшему, молитвою пламень огненный угасил еси, и ныне молим тя, о святителю Христов Никито, молюся ко Господу, еже избавити Великий Новград сей и вся грады и страны христьянския от труса, потѣпа, глада, огня, града, меча и от всех врагов, видимых и невидимых. Яко да избранных молитв твоих ради спасаеми, славим Пресвятую Троицу, Отца и Сына и Святаго Духа, и твоѣ милостивное предстательство ныне и присно и во веки веков. Аминь.

**Святитель Никита, епископ Новгородский**, в юные годы поступил в Киево-Печерский монастырь, где принял монашеский постриг. В самом начале своего иноческого пути, по своей духовной неопытности, он затворился в пещере против воли и благословения настоятеля, преподобного игумена Никона (†1088, память 23 марта), который предупреждал о преждевременности такого подвига для молодого инокa. Печерские старцы, убедившись, что неосторожный монах не слушает их, не переставали молиться за него. Через малое время ароматы наполнили пещеру Никиты, и он услышал некий голос, как бы молившийся вместе с ним. «Господи! — воскликнул неосторожный затворник, — явись мне, дабы я мог лицезреть Тебя». Голос отвечал ему: «Я пошлю тебе ангела; твори во всем волю его». Тотчас предстал перед Никитой в виде ангела бес, который повелел ему перестать молиться и сказал, что молиться будет он сам, а затворнику велел читать только Вет-





хий Завет. Несчастный послушник прекратил молитву. Он постоянно видел рядом с собой молившегося ангела и был спокоен, а Ветхий Завет выучил наизусть. Бес же стал открывать ему то, что творится в мире, побуждая затворника к пророчествованию. К пещере Никиты стали приходиться миряне, удивляясь его пророчествам. Так, например, Никита предсказал убийство князя Новгородского Глеба Святославича (†1078), и это предвещание сбылось. (Дьявол, конечно, не знает будущего, но возмущает то, к чему склоняет злых людей, в данном случае — убийство). Старцы заметили, что затворник ничего не говорит от Нового Завета, а только от Ветхого, и поняли, что он в прелести. Силой соборной молитвы они изгнали беса из пещеры, и вывели из нее Никиту. Оказалось, что он не только забыл весь Ветхий Завет, но даже разучился читать. Когда Никита пришел в себя, ему пришлось заново обучаться грамоте, как ребенку. С горьким сожалением Никита оплакал свою ошибку и с тех пор стал подвизаться в великом смирении и послушании. Наложив на себя особое воздержание, инок Никита превзошел других в добродетелях. Господь принял его глубокое покаяние и прославил его даром чудотворения. Однажды преподобный Никита во время бездождия низвел своей молитвой дождь; в другой раз он молитвой угасил пожар. За премногую любовь преподобного, обнаруженную в соблюдении заповедей Христовых, Господь сотворил его пастырем Своего словесного стада, и преподобный в 1096 году был возведен на архиепископскую кафедру Великого Новгорода.

В годы своего архиерейства (1096—1108) святитель Никита возвел церковь Благовещения и часть архиерейских палат в Новгороде. По его мысли, хотя и после его кончины, был расписан фресками собор Святой Софии, Премудрости Божией. 30 ян-

варя 1108 года святитель Никита преставился о Господе и был погребен в Софийском соборе. Вскоре началось почитание его как святого и уже в первой половине XIII века праздновалась память святителя Никиты. Прошли столетия, память о нем постепенно изгладилась, и гробница его оказалась в небрежении. В Святую ночь 1551 года некий боярин, сидя недалеко от гробницы в ожидании Пасхальной заутрени, услышал глас: «Гробница святителя Никиты должна быть покрыта». Он поспешно пошел домой, принес покров, но прежде, чем возложить его, начал обметать гробницу, и увидел в щель нетленные мощи святителя. Боярин сообщил об этом духовным властям. В том же 1558 году, по благословению Митрополита Московского Макария, святитель Никита был причислен к лику святых. В канун его прославления один священник увидел во сне святителя в облачении, кадящим святые иконы. Когда гробницу открыли, святитель Никита пошевелился. Все были поражены исходившим от его лика светом. В то время в Новгороде укоренилась ересь, отрицающая святые таинства, иерархию и поклонение святым иконам. Перед мощами святителя Никиты глава этой ереси покаялся, и она исчезла. От мощей святителя Никиты исцелилась слепая престарелая Ксения, жительница Новгорода, а также один расслабленный; совершилось много и других чудес. Во время Ливонской войны святителя Никиту видели в облачении и с посохом в руке на коне, благословляющим русское войско.

Святитель Никита был безбородым, так и пишут его на иконах.

В настоящее время мощи святителя Никиты почивают в новгородском храме в честь святого апостола Филиппа, в приделе во имя святителя Николая. Память святителя Никиты также совершается 30 апреля, в день обретения мощей (1558), и 14 мая.

